



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Vita, Et Gestis S. Francisci Xaverii È Societate Iesv  
Indiarvm Apostoli Libri Qvatvor**

**Bartoli, Daniello**

**Lvgdvni, 1666**

3. In Soc. admittitur, in Lusit. ad studia proficiscitur.

**urn:nbn:de:hbz:466:1-10854**

amor, & verbis Deo ac rationibus æternis filii mollitus pater, non sustinuit obstatre illius proposito, Romam repetere festinanti: quatri duo igitur domi aëto, breui prorsus ad videndum patrem nedum ab eius leuandum dolorem spatio, media hieme Romam iter re legit, vna comite patientia, vno diuinæ prouidentia commeatu, ruptoque magis omni propinquitatis vinculo quam soluto; nisi enim vt suos ad Deum prouheret altius, eorum nunquam meminerat, & iam è fratribus aliqui, singulariter soror, magnis arduisque itineribus ad excelsam virtutem nitebantur. Itaque ad illos scribebat ardentes de diuinis & interioribus animi literas, quæ dum viueret asservatae, post mortem sunt venerationi, adeo vt, eius ex fratre filius scriptori commodatas ad excerpta quæ vitæ illius adderet, repeterit ex eo non multo post, scribens videri sibi grandi bono carere, & noctes duas insomnem duxisse, quod orbatum se carissimo pignore sentiret.

**2**  
Horrendo viso  
ex fratre ne-  
potem liberat.

Huic erat nomen Ioannes Dominicus Criminalis, & peculiaris valde causa venerationis in Sanctum patrum, cuius praesidium singulare, discri men ingens illum docuerat, vt iuratus ipsemet affirmauit. Agrotabat anno 1595. & iacentis vitam abiecerant medici, cum nocte quadam dum vigilat, flamman circa lectum videt horrendam crumpere, quæ momento cubiculum implet, media ex flamma dæmonem qui post circuitus aliquot in eum insiliens & minax vngulis, raptaturus ad inferos lacerum videbatur. Tam immani horrore extra se positum, nec Dei aut sancti vi lius memorem, moxque vt putabat in ignem deturbandum, non deferuit Antonius, trementi ad latus alterum spectandum se dedit, serenus, & hilarius, brachioque arreptum timere vetuit, nam se illi adesse defensorem: post hæc amotum ab eo dæmonem in fugam vertit, premensque fugientem cubiculo exit, cuanuit etiam subitu ille ignis, liberque iam ex iis angustiis agrotus, breui quidem planè consanxit: sed quod intererat maxime, quodque viso illo salubri monebatur, melior animo factus est. Porro Sanctam proba rectaque suadendi libertatem, ne paterna quidem reverentia in Antonio minuit. Vlyssipone in Indiam profecturus hor tatus est patrem fortibus literis ad confessionem vitæ totius anteactæ, ad exuendum affectum addictiorem cogenda pecunia, quam vitum deceret, animæ suæ sollicitum: subdebat vero. Per Christum te obsecro id agamus vt videre mutuo in beata illa ad quam conditi sumus patria possimus, in hac opinor nunquam in posterum visuri: salutis dum licet quarenda incubamus, nec enim postmodum dicere iuuerit, nunquam sic fore credidisse. Erit cum frustra cupiemus, quod prestare nunc ultro, & facile valemus. Si quid usquam boni; si quid mihi iucundi gratificatus es, per Christum te oro, thesaurum illum ambias Iesum Christum, veros omnes thosauros se uno claudentem; nec te filiorum, aut filiarum mordax cura ab eo retardet; fortassis enim futurus es nobis omnibus superstes tametsi optarem nos omnes iam esse mortuos, crucifixos inquam, & saeculo mortuos.

**3**  
In Soc. admit-  
titur, in Lufit.  
ad studia pro-  
ficiuntur.

Romam mense Aprili ex patria ad S. Ignatium reuersus, in Societatem adsci

adsciscitur anno 1542. annos natus duos & viginti , & subdiaconus paucis ab hinc diebus probate suum tyrocinium incipit , duro mensium quinque itinere , sed tam lecto comitum numero , vt multo plus ex iis duceret intimæ voluptatis , quam molestiarum ex viae incommodis ; tūm quod charitatis quām naturæ maior suauiorque communio , laborem leuabat ; tūm quod iis omni adesse officio delectabatur mirifice , & nauare se Christo ea obsequia reputabat , quæ Christi seruis impenderet . In iis erat Petrus Ribadeneira admodum adolescens , qui Româ cum socio studiorum causa tendebat Parisios , Conimbricam Antonius cum aliis quatuor , pedites omnes , vilissimo habitu , & corrogata in diem stipe . Noctem in publicis pauperum domibus , si bona fors daret ; vel inter deserta mapalium rudera , vel si eos interceptisset nox sub dio , vt minori auræ injuria poterant exigebant . Erat enim par iuuenum virtus atque alacritas non propriis modo ferendis incommodis , sed etiam alienis , quibus suorum immemores & afficiebantur grauius , & accuratius succurrabant . Ab se tamen quiddam in Antonio singulare Roma usque Auenionem , obseruatum Ribadeneira tradit , Mirabar , inquit ille , per sepe , eius firuorem charitatis , vt mirum non sit , iis initio finem datum à Deo non dissentaneum ( mortem scilicet quam narrauerat beatam ) socrorum sarcinulas sibi imponere ; quoties fluvius transmittendus , vada ambigua tentare , & frangere ; debiles etiam bumeris sublatos transuherere , hilaritatem omnibus vincentem , vegeto suo letoque ardore accendere , suam denique singulis operam paterno affectu , famulari obseruantia exhibere . Conimbricæ , studiis felsqui annum dedit , quo tempore sacerdotio inauguratus est Ianuarij sexto anni 1544. ac bimestri post Vlyssiponem missus , vela ibat facturus in Indiam , nisi anno illo , qua causa nescitur , aut defuisset nostris eundi copia , aut ventis aduersis reiecti essent in Europam . Hæsit ergo ad annum sequentem in Lusitania , ex qua Martij vnderrigesimo classem concendit Ioannis Castrij qui Martino Alfonso de Sola in Præfectura Indiae succedebat . Soluere vna Vlyssipone Nicolaus Lancillotus , & Ioannes Beira , & paulo plus trimestri spatio applicuere Mozambicum secunda omnino nauigatione : inde post quietem dierum viginti , quam ministerio ægrotorum in nosocomio contulit Criminalis , resumpto mari Goam prosperè appulere , Septembbris 1. anno 1545. vbi S. Fidei seminarium quod tunc nostri se recipiebant , eorum laboribus sex menses profecit . Illinc aduentu Antonij Malacæ cognito , illum Xauerius in nouam Piscariae Christianitatem Mansillæ socium transmisit , vbi paulo plus fere triennio strenue posuit . His particulatum emendandum fuit quod varie à multis erratum , quibus Antonij literæ ad distinctionem temporum defuerunt . Nunc in mortis ipsius , & causa & modo , illius gloriam ; post , nostri etiam documentum , in eius vita & meritis spectemus .

Habent confinia Piscariae ad septentriones , Cilai vada , quæ ad Marnam insulam excurrunt , & scopulorum catena , ac syrtium fauces illas maris præcludunt . His è regione peninsula ora Piscaria proicit , vado

4

Causa , & mo<sup>r</sup>  
dus martyrij .

H h solūm